


搜神記卷之五

高五



搜神記

目錄



高五

廣平呂神翁 黃陵神 黃仙師

江東靈籤 協濟公 靈義侯 張昭烈

張七相公 耿七公 孫將軍 張將軍

高五

一

順濟王 橫浦龍君 道州五龍

昭靈侯龍神 仰山龍神 黃石公



石神 楚雄神石 石龜 鍾神

馬神 青蛇神 金馬碧雞 金精

火精 陳寶雞神 黑水將軍 木居士

磨嵯神 黃魔神 向王 竹王 槃瓠

目錄畢

廣平呂神翁

唐開元中有道士呂翁嘗息于邯鄲縣北之農家遇少年盧生自嘆貧困時主人方炊黃梁翁以枕授生曰枕吾枕當令榮適如意生枕之夢自枕竅中入至其家娶崔氏

女甚廉明年舉進士歷官中書令年八十
卒及寤顧翁在傍主人炊黃梁犹未熟生
起而謝曰此先生所以窒吾歆也後人為
立廟祀之水旱疾疫有禱必應

黃陵神

廟在荊州府夷陵州之西黃牛峽相傳神嘗
佐禹治水有功屢有靈驗至蜀漢諸葛亮
治蜀老父以其事請亮重其功且異其有
神應福庇之及斯民也為建祠于此一名
黃牛廟宋蘇軾詩

江邊石壁高無路

上有黃牛不服箱

廟前行客拜且舞

擊鼓吹簫屠白羊

山下耕牛苦磽确

兩角磨崖四蹄脫

青芻半束長苦飢

仰看黃牛邈難及

黃仙師

高五

二

仙師姓黃行七上杭人也業巫術能鞭撻鬼
魔驅逐妖怪師廟在上杭縣治之西南舊
在鍾寮場石峽中後遷於此相傳昔有山
精石妖為害巫者黃七公以符法治之因
隱身入於其石不出石壁隱映有人影望

之儼若仙師像昔人有詩云

非是神利非鬼劃 解生烟霧解生雲

仙師一入山頭石 草木蒙茸度幾春

江東靈籤

正月初八生

籤神姓石名固秦時蕢縣人也歿而為神或

陰雨霾霧或夜深淡月微明鄉人往往見
其出入騎從如達官長者蓋受職陰司而
有事於綜理云人為立廟設以珥玦往問
吉凶受命如嚮人益驗其靈應為著韻語
百首第以為籤神乘之以應人卜愈益無

不切中廟在贛州府城外貢水東五里因
名曰江東靈籤世傳以為美名云

本朝宋濂為文以記其事

協濟公

協濟者二神也神姓魯氏兄弟二人平生重

臺

三

氣節輕財樂施至於友愛尤篤當三國時
兵戈擾攘相與隱迹於青陽之九子山即
今之九華山是也既歿顯靈發聖為民災
災捍患大著功績邑人異而德之為立二
廟分祀二神一在九華山之東一在九華

山之西宋大觀間賜額曰協濟祠至今祀之益虔祈禱累應

靈義侯

侯姓苟氏未詳其名鳳翔府之隴州人也有祠在隴州治左其碑刻云唐大曆二年故

郡壘艱於得水苟氏畝地為城因遷其城於此軍吏稱便故立祠祀之神益著靈顯凡有禱輒應驗如嚮宋封靈義侯賜廟額曰安佑

本朝益新其制而充拓之執祀者愈至

張昭烈

昭烈姓張氏五代時滑臺人也歿而為神有
顯應廟在浪州府之黔陽縣宋時有賊潘
宗岩領衆來攻城未及至濠望見出城諸
軍或青臉獠牙或紅鬚絳績或牛頸馬面

四手双叉長者丈餘矮者不滿二三尺跳
叫蜂湧噴火騰烟千態萬狀鬼魅妖魔賊
驚急走自相踐踏遂解散遠去後黃安俊
嘗成俱來攻城竟不失守皆神之力也詔
封為王廟號昭烈

本朝益崇祀之

張七相公

相公姓張行七宋時麻城縣人也嘗就異人
學道術得其要領能呼役鬼神知幽冥事
故以毀沿江諸廟繫獄適城東南隅有火

高五

四

災蔓延什百家一城騷動相公出自獄中
騎白馬執短棍指東東滅指西西滅南北
各然火患立息遂長行至城西北五腦山
人馬俱化聞於官檢獄吏視之則獄戶密
扃如故咸驚異之乃即其化所為建廟相

傳禮拜士人衣物隨委於道無敢拾之者
間有奸頑則迷道不知所出顯應一方為
最云

耿七公

公廟在揚州府高郵州之西北一十五里耆

相傳公為東平梁山泊之里人生負俠氣
撫劍一呼髮直上指有古賁育風泊里最
號英雄數澤而公衝擲其間渠魁且下風
而北面之矣按戎馬南下病歿於州境大
著靈異凡有禱輒應宋賜號曰康澤侯迄

今居民暨舟行者皆致祭

孫將軍

將軍姓孫氏名山五代時人也廟在宣化之
縣治西凡遇疾旱禱之即應相傳昔有盜
民首飾若干者慮無以自揜乃匿其物於

高臺

五

神之座下尋往視之首飾忽不見往復者
再四杳無所覓疑其為他人之所得也決
旬失主之家互相維併乃質誓於神甫稽
顙見磚縫有黃白色并視之則故物也多
著靈蹟宋李綱詩

不愁芒履長南謫 滿願靈旗助北征
酌徹一杯揩淚眼 烟雲何處是二京

張將軍

將軍姓張名孝忠淮士也廟在饒州府安仁
縣之王真山按元兵至安仁提刑謝枋得
調忠孝禦之陣於團湖坪相持數日大戰
者屢矢尽忠孝揮雙刀繫殺百余人尋中
流矢死賊入安仁忽夜半城東南角鼓角
齊喧喊哮騰湧若千軍万馬狀賊將急起
視之時微月淡星見將軍騎白馬舞雙刀

雲霧中往來衝突賊將拜而謝馬事定土
人時見其持刀走馬長恨不平乃為立祠
於死所祀之數著靈異元歐陽言有記

順濟王

廟在新建縣之吳城山世號小龍云相傳即

吳許二真人所誅大蛇子宋封順濟王有
真宗御製戒蛟石刻熙寧中遣太常林希
逸致祭即有異蛇墜祝上翌旦行礼蛇引
首望禮畢出循几案俄循入帳中及希逸
還蛇復尾軸轡送至彭蠡而沒後蘇軾自

儋耳北歸艤舟祠下忽得古石砮矢於岸
側傳覩左右失手墜江中乃禱於神許留
廟中使人沒水求之一探而獲因為之記

橫浦龍君

龍君姓字未詳廟在江西之南安府治稱橫

高五

六

浦者古郡名也按言行錄橫浦炎方雖窮
冬無雪故疫疠為多有龍君廟所祈必應
張九成曰吾無職隸而歲耗廩祿盍思所
以惠之因禱焉朝暎杲然而陰雲倏起晡
時雪已寸積邦人咸駭異之時九成為禮

鄒侍郎秦檜惡其言事謫守郡州又諷言者論其謗訕朝廷再謫南安軍故其致祝於龍君者如此云

本朝重建其廟祀事益崇

道州五龍神

廟在道州五龍井側按晏殊類要云唐陽城出守道州至襄陽有五老人來迓自云春陵人城與之帛問其所居曰居城西北五里至則訪焉惟有五龍井帛猶存因為立廟屢顯靈異廟額曰宗應昔人嘗題其壁

云

山寒螿龍眠忽醒

黃衣老人岩下行

手持屈曲千歲藤

慮驚世人藏姓名

昭靈侯

昭靈侯南陽張公諱路斯隋初家於頰上縣

臺

七

百社村年十六中明經第唐景龍中為宣城令以才能稱夫人石氏生九子自宣城罷歸常釣於焦氏臺之陰一日顧見釣處有宮室樓殿遂入居之自是夜出旦歸一朝躰寒濕夫人問之公曰我龍也蓼人鄭

祥遠者亦龍也與我爭此居明日當占使
九子助我領有絳綃者我也青絳者鄭也
明日九子以弓矢射青綃者中之怒而去
公亦逐之所過為谿谷以達於淮而青綃
者投於合淝之西山以死曰龍穴山九子
皆化為龍而石氏葬閩洲公之兄為馬步
使者子孫散居潁山其墓皆存焉事見於
唐布衣趙耕之文而傳於淮潁間父老之
口載於歐陽文忠公之集古錄云自景龍
以來潁人世祀之於焦氏臺軋寧中刺史

王敬堯始大其廟有宋軋德中蔡州大旱
其刺史司超聞公之靈築祠於蔡既雨翰
林學士承昔陶穀為記其事蓋自淮南至
於陳蔡許汝皆奔走奉祀景德中諫議大
夫張秉奉詔益新頰上祠宇而熙寧中司

封郎中張徽奏乞爵號詔封公昭靈侯石
氏柔應夫人廟有穴五徃徃見靈異出雲
雨或投器穴中則見於地而近歲有得蛻
骨於池者金声王質輕重不常今藏廟中
元祐六年秋旱甚郡守龍圖閣學士左朝

奉郎蘇軾迎致其骨於西湖之行伺與吏民禱焉其應如嚮乃益治其廟

仰山龍神

神二龍也廟在袁州府之仰山相傳昔有邑人徐璠舟行過大孤山有二蕭生云居宜

臺

八

春仰山遂同載而歸至浦東告別期至石橋相訪後徐至其處見二龍乃知為仰山神唐會昌中一夕雷雨移廟於郡南文明卿宋賜祠額曰孚惠元重修表人事二神至謹禱無不應

本朝封大仰山之神春秋祀之又分宜之鈴
岡亦有行祠相傳即神維舟處

黄石公

神祠在東阿縣穀城山之陽昔漢張良于下
邳圮橋遇老父躡蹠令良進履良強事之

老父喜曰孺子可教授良書一編且謂曰
後十三年齊北穀城山下黄石即我也後
良讀其書用其畧佐漢高帝誅秦滅項天
下大定封留侯果於穀城山而得之良寶
而立祠以祀焉

本朝益充拓其廟令有司歲以三月十八日
致祭

石神

神廟在廉州之府城東相傳昔人有漁于海
者見一磐石浮潮而至心知其為神因祝

高

九

曰若得魚副所祈當立祠以報果如所祝
遂昇石而歸議立廟所至楊梅山繩忽斷
石亦不可復移即其繩斷處誅茅立柱壯
以祠焉凡水旱札瘥禱之輒應昔人過其
廟題詩於壁間云

巨鼇手擘混沌開
靈石屹向蒼溟立
太陰六月飛雪寒
蛟螭夜舞波濤泣

楚雄神石

在楚雄者有二一在南安州西五里巨石高
十余丈蒙氏號為南嶽社靈安邊之神土
人每歲以金貽其頂有禱輒應一在楚雄
縣西南三十里碌摩山頂屹立似人高八
尺許頂突出如斜戴笠之狀土人以金貼
其面事之甚謹昔人有詩云
安知金馬碧雞外
別有鬱鬱盤荒陬

陰崖猶遺太古雪
神石一立千萬秋

石龜

在興國縣之儒林鄉石圓如龜項背俱備彷彿八卦形象逐月隨斗杓旋轉土人疑其怪移置他所翌日復歸其處累驗皆然因

時祀之

鍾神

廉州之城南七里有水飛激成深廣接江通海歲旱鄉人多祈雨於此相傳宋政和間靈覺寺鍾一夕飛去寺僧舉知雷雨聲震

不知鍾之所之詰曰鍾忽懸空而下視之
鍾猶淄濕自是灣傍居民言灣中每夜有
鍾聲知其必與龍戰寺僧為鑿去頂上龍
角乃止后人遂名其灣曰鍾灣至今灣中
颶風迅疾則有一物大如車輪藍黑色湧
出波心亭亭自在識者謂其為鍾神云

高五

十

馬神

神名步主為災害馬人為立廟祀之按周禮
校人冬祭馬步即此故其註云馬步神之
為災害馬者有廟在武昌縣南之梁子湖

上舊俗以仲月祭於大澤用剛日今縣人
率以五月五日競渡時祭享於廟蓋亦吳
之故俗云昔人有詩

吳王宮殿作飛塵

野鳥幽花各自春

梁子湖邊餘戰馬

也曾咆哮武昌人

青蛇神

有祠在慶陽府之環縣初廟志云唐節度使
楊朝晟下次方渠築城合道木波以遏吐
蕃路苦乏水有青蛇降隄下走視其蹟水
從而流朝晟因命築防環之遂為停淵士

飲仰足吐蕃果悉衆引去朝晟大異之上
其事於朝詔立祠以祀之仍命泉曰應聖
神著顯應士民爭奉牲帛遠近水旱疾疫
多賴之

金馬碧雞

臺

十一

二神也金馬神廟在金馬山西碧雞神廟在
碧雞山東按漢宣帝時方士言益州有金
馬碧雞可祭祀而致遣王裒往祀之至蜀
而卒顏師古謂金形如馬碧形如雞蓋金
馬碧雞二山對峙中隔滇池蒼崖萬丈綠

水干尋月印波澄雲橫絕頂雲南一佳景
也故二神依之以靈化顯應元張雄飛詩

北闕辭丹鳳

南雲看碧雞

紫台移玉座

瑤草濕金泥

雨霽龍歸洞

風生虎渡溪

尋梅穿竹徑

採藥躡松梯

金精

金精金星之精也相傳漢時益都縣張姓者
名金華生女曰麗英生稟瑞相能先事言
民間休咎去縣之西北十五里有山峯崔

嵬然一方年十五入山修煉遂得道長沙
王吳芮聞而聘焉麗英弗許乃昇山之高
處始曰山有石室中通洞天若能鑿之當
相見也芮大發兵攻鑿既通見女乘紫雲
在半空語曰吾為金星之精特降治此山
家以是山為第三十五福地

火精

六月二十三日生

神姓宋名無忌漢時人也生有神異及而為
火精唐牛僧孺立廟祀之以禳火災廟在

武昌府之城東七里本曰宋大夫楊吳避
諱改稱大憲按唐韋建除武昌軍節度使
將行夢一朱衣達者導從數十輩叩然
諸韋曰公將鎮鄂渚僕所居頑毀非公不
能葺治及至訪無忌廟其像即夢中所見
遂撤而新之宋紹興中知州王信復充拓
其制

臺

十一

本朝重建俗云火星堂今江東各所之火星
廟皆其神也

陳寶

有祠在鳳翔府寶雞縣之東二十里史記秦
文公獲若石於陳倉北阪城祠之其神來
常以夜光輝若流星從東南來集於祠城
則若雄雞其聲殷殷云野雞夜雉祀以一
山牛命曰陳寶唐人有詩云

一水悠悠去似紆
兩山如画翠眉橫
扶風野渡歸吳嶽
陳寶斜陽入渭城

黑水將軍

鳳陽府城之北門外逼近淮河數崩決為民
患宋嘉定間郡守柴將軍者鑄鉄將軍像

刻云濠州之北淮河之邊千汝鎮守億千
萬年自是河患寧息於是立廟覆其上居
民爭先祀之有禱必應

木居士

神無姓名不記其朝代刻木為像廟在來陽

高五

十三

縣之東二十里相傳昔有火穿木類人形
坼水而來寺僧遂祠以奉之唐韓愈詩
火透波穿不計春 根如頭面幹如身
偶然題作木居士 便有無窮求福人
宋時縣令因祈雨無應議欲折而薪之不

移時大雨霑足賴之有年今為重其祀而
新其廟神益感應如嚮

本朝重建

磨嵯神

廟在施州衛之西按衛城西南與洛浦蠻接
壤洛浦蠻猶桀驁數為邊患有將孟蜀者
率兵討之累戰弗捷蜀抱煩悶從中軍枕
戈而寢忽夢一神入自陳我磨嵯大王是
也知公戰未利願效一臂之勞蜀亦朦朧
禮謝既覺急視之猶聞有刀馬聲明日臨

陣洛浦蠻東披西靡如前後受敵狀遂解
散稽首降附神自是靈跡顯著施民所在
祀之無不感應

黃魔神

神亦未詳朝代姓字廟在荊州府之歸州峽

靈通顯應一方瞻依攸係按寰宇記唐咸
通中蕭邁自右史竄黔南沂三峽秭歸夢
神人曰我黃魔神也居紫極宮西北隅將
佑助公出此境又廟記載李吉甫自忠州
除替峽漲洶怒忽有神人湧出水上為之

扶舟李問是何神荅曰我黃魔神也又宋
寇準經從叱灘亦有神扶船而下準問之
神自號黃魔蓋其神通顯化屢有著績不
能具舉姑記其大者如此云云

向王

高五

十四

王姓向名輔歸州之東陽人也王母依氏夜
夢一巨星入手燁燁有光口而吞之覺後
有孕懷二十六月而生王初生不能言七
八週見一道士書符即搦其衣疾呼之曰
我我我自是語言如成人長益有道術咒

水符法不襲人舊而自無不驗歿而為神
於所生之地穿山鑿石或沒入于山之東
即出于山之西無問其高與厚之若何或
時而擘石隱身其內顯著靈異不可枚舉
鄉人立祠祀之有禱即應

竹王

王即夜郎侯也廟在施州衛城東南之東閭
山下按華陽國志初有女子浣于遯水有
三節竹流入足間中有嬰兒聲剖竹得男
收養之及長材武自立為夜郎王以竹為

姓漢武平西南夷王被夷獠請立後天子
乃封其三子為侯死後配食於父之廟宋
宗宣中賜廟額曰靈惠後其子孫蔓延崇

祀益謹

本朝正祀典止稱曰夜郎王之神

高五

五

槃瓠

槃瓠狗神今長沙武陵蠻之祖廟在盧溪孫
之武山按高辛氏有大戎患募能得大戎
吳將軍頭者妻以少女時帝有畜狗名曰
槃瓠遂入山啣人首赴闕下果吳將軍頭

也帝大喜然槃瓠畜類不可妻故他報之
女聞以為信不可失請行帝不得已從之
槃瓠得女負入南山石室中踰三年生六
男六女槃瓠死男女自相婚配母歸以狀
白帝使迎置諸子衣裳爛斑言語侏僂付
後滋蔓今武陵蛮是也至今土俗不食犬
肉廟有威靈



